

Marrëdhënie partnerësh dhe fëmijët

Partneriteti

Të drejtat dhe detyrat e prindërve

Të qenit prind

Kujdestaria e fëmijëve

Tërheqja e familjes

Konfliktet

Partneriteti

Në Zvicër ka mënyra të ndryshme sesi njerëzit bashkëjetojnë. Nëse doni të martoheni, ju duhet të jeni të paktën 18 vjeç. Të dy partnerët në martesë kanë të drejta të barabarta.

Bashkëjetesa

Në Zvicër, shumë gjëra kanë ndryshuar në dekadat e fundit. Shpesh çifte të pamartuar jetojnë së bashku (bashkëjetesë jashtë martese, Konkubinat). Çiftët dhe kanë po ashtu fëmijë të përbashkët. Një ndarje të roleve në mes partnerëve nuk ka. Kjo do të thotë, që burrat dhe gratë nuk duhet të marrin përsipër detyra të paracaktuara. Edhe çifte me gjininë e njëjtë lejohen të bashkëjetojnë, për shembull një burrë me një burrë ose një grua me një grua. Ata kanë të njëjtat të drejta si çifte të tjera lejohen edhe të martohen.

Lidhja e martesës

Për t'u martuar në Zvicër, ju duhet të jeni të paktën 18 vjeç. Edhe çiftet e të njëjtit seks mund të martohen: Një burrë mund të martohet me një burrë, dhe një grua mund të martohet me një grua. Nëse doni të martoheni, ju duhet të lajmëroheni në Zyrën e gjendjes Civile Basel-Stadt (Zivilstandsamt). Zyra e gjendjes civile fillon atëherë të ndërmarrë "procedurën për parapërgatitjen e martesës". Me këtë procedurë parapërgatitet lidhja e martesës. Zyra shqyrton për shembull, nëse të dy partnerët lejohen të martohen. Nëse procedura ka përfunduar, ju duhet të martoheni brenda tre muajve. Zyra e gjendjes civile ju informon, se si zhvillohet procedura dhe se çfarë dokumentesh ju nevojiten.

Ndoshta njëri prej partnerëve jeton ende jashtë vendit. Ju mund të bëni një kërkesë. që partneri lejohet të hyjë në Zvicër (përgatitja e lidhjes së martesës). Kësisoj ju të dy mund të martoheni këtu në Zvicër.

Ndoshta Zyra e gjendjes civile ka një dyshim, që ju mund të lidhni një martesë të falsifikuar (Scheinehe). Martesë e falsifikuar do të thotë: Ju martoheni vetëm për qëllim, që njëri prej partnerëve të mund të jetojë në Zvicër. Zyra e gjendjes civile mund të refuzojë lidhjen e martesës. Nëse tashme keni lidhur martesën, zyra mund të shpallë martesën të pavlefshme. Martesa zgjidhet atëherë sërish. Ose ndoshta ju humbni lejen e qëndrimit për shkak të martesës së falsifikuar.

Të drejtat dhe detyrimet

Partnerët në martesë kanë të njëjtat të drejta dhe detyrime, kështu e përcakton ligji. Ata kanë të drejta të barabarta. Të dy partnerët bashkëshortorë duhet të martohen me dëshirë. Në një martesë të detyruar (Zwangsheirat) dikush detyrohet të martohet. Nëse zyrtarët e kuptojnë, mund ta shpallin këtë martesë të pavlefshme. Personat, që kanë detyruar persona të tjerë që të martohen, marrin një dënim.

Ju e keni ndenjen që detyroheni të lidhni një martesë? Zyra këshilluese zwangsheirat.ch ju mbështet. Telefonata është pa pagesë. Ky është numri i telefonit: 0800 800 007

Planifikimi familjar

Ju keni pyetje për planifikimin familjar, shtatzënesinë dhe seksualitetin? Në kantonin Basel-Stadt ka qendra këshilluese për këtë temë. Këto vende informojnë për tema të ndryshme si mbrojtja nga shtatzënia, problemet seksuale, shëndetin seksual, sëmundjet e organeve gjenitale ose nëse mbeteni shtatzënë pa dëshirën tuaj. Ato ju këshillojnë gjithashtu, nëse prisni një fëmijë ose tashme keni fëmijë.

Shkurorëzimi

Ju jeni të martuar dhe doni të shkurorëzoheni? Atëherë mund të bëni një kërkesë për shkurorëzim para gjykatës civile në Basel-Stadt (Zivilgericht). Kërkesën për shkurorëzim ju mund ta bëni vetëm. Ose ju e bëni kërkesën për shkurorëzim së bashku me bashkëshortin tuaj.

Ju e keni lidhur martesën jashtë vendit? Edhe atëherë ju mund të divorcoheni sipas të drejtës zvicerane. Por për këtë ju duhet të banoni në Zvicër të paktën për një vit. Dhe Zvicra duhet të jetë vendbanimi juaj kryesor. Nëse shkurorëzoheni, statusi juaj i qëndrimit mund të ndryshojë. Ndoshta pas divorcimit nuk lejoheni më të jetoni në Zvicër. Ju aktualisht jeni në një procedurë për të marrë nënshtetësinë? Atëherë mundet që ju pas shkurorëzimit nuk mund të bëheni më një zvicerane ose një zviceran. A lejoheni pas shkurorëzimit të qëndroni në Zvicër? Më mirë pyesni në një qendër këshillues për martesën dhe familjen ose një këshillimore juridike. Nëse jeni viktimë e dhunës familjare, vlejnë rregulla të posaçme.

Më shumë informacione (link, adresa, broshura, fletushka)

www.hallo-baselstadt.ch/sq/marredhenie-partneresh-dhe-femijet/partneriteti

Të drejat dhe detyrat e prindërve

Kur lindni një fëmijë, ju duhet ta lajmëroni lindjen menjëherë në zyrën e gjendjes civile. Kur jeni të martuar, e drejta e përkujdesjes për fëmijën është e rregulluar automatikisht. Kur nuk jeni të martuar, ju duhet të merrni vetë iniciativë për të rregulluar të drejtën e përkujdesjes.

Lajmërimi i lindjes

Ju duhet të lajmëroni lindjen e çdo fëmije në zyrën e gjendjes civile (Zivilstandsamt).

Kujdes: Ju duhet të shkoni tek zyra e gjendjes civile në atë komunë, ku fëmija juaj ka lindur. Pra ju ndoshta nuk duhet të shkoni tek zyra e vendbanimit tuaj.

Fëmija lind në spital:

Spitali i dërgon dokumentet në zyrën e gjendjes civile. Ju nuk duhet të merreni më me këtë çështje.

Fëmija nuk lind në spital:

Ndoshta e lindni fëmijën në shtëpi ose në një vend tjetër. Atëherë ju duhet ta lajmëroni lindjen në zyrën e gjendjes civile. Për lajmërimin keni tri ditë kohë. Zyra e gjendjes civile ju informon, cilat dokumente duhet të parashtroni.

Mirë të dish:

Një fëmijë, që lind në Zvicër nuk bëhet zviceran ose zvicerane për shkak të kësaj. Ai nuk merr automatikisht nënshtetësinë Zvicerane.

Njohja e atësisë

Ju jeni të martuar dhe lindni një fëmijë:

Bashkëshorti regjistrohet automatikisht si baba. Ndoshta bashkëshorti dyshon që është babai. Atëherë ai mund të shkojë në gjykatë dhe të kontestojë atësinë.

Ju nuk jeni të martuar dhe lindni një fëmijë:

I ati i fëmijës nuk regjistrohet automatikisht si baba. Para ose pas lindjes ai mundet të shkojë në zyrën e gjendjes civile dhe mund të bëjë pranimin e fëmijës: Ndoshta babai nuk dëshiron ta pranojë fëmijën e vet. Atëherë nëna mundet të shkojë në gjykatë për të kërkuar, që ai ta pranojë fëmijën.

Përkujdesja prindërore

Si prindër ju duhet të kujdeseni, që fëmijët tuaj të jenë mirë. Kjo është e drejta dhe obligimi juaj (përkujdesja prindërore, elterliche Sorge). Ju duhet për shembull t'i edukoni fëmijët tuaj dhe të paguani për jeten e fëmijëve tuaj. Gjithashtu ju duhet t'i përfaqësoni fëmijët tuaj ligjërisht deri ata të bëhen 18 vjeç.

Ju jeni të martuar:

Të dy keni të njëjtat të drejta dhe të njëjtat obligime përkundrejt fëmijëve tuaj.

Ju nuk jeni të martuar:

Fillimisht babai duhet ta pranojë fëmijën. Pastaj ju të dy mund të deklaroni vullnetarisht me shkrim, që ju dëshironi të përkujdeseni bashkërisht për fëmijën tuaj (gemeinsame elterliche Sorge). Këtë mund ta bëni, kur babai e pranon fëmijën te zyra e gjendjes civile. Ose ju mund të shkoni edhe më vonë te zyra për mbrojtjen e fëmijëve (Kindesschutzbehörde, KESB).

Nëse nuk jeni të një mendimi për të drejtën për përkujdesjes ndaj fëmijës, vendimin e merr zyra për mbrojtjen e fëmijëve. Kur keni pyetje apo keni nevojë për mbështetje, ju mund të shkoni në një qendër këshillimi për familjet.

Mbajtja e fëmijës me ushqim

Kur jeni ndarë nga njëri-tjetri, prapë duhet të kujdeseni që të dy për fëmijën tuaj. Pra ju bëni mirë të merreni vesh, se kush kujdeset për fëmijën dhe se kush paguan sa para (mbajtja, Unterhalt).

Ju paguani që të dy për mbajtjen e fëmijës suaj. Ndoshta ju duhet të paguani më shumë ose më pak se prindi tjetër. Ose ju nuk duhet të paguani fare. Kjo varet nga fakti, se sa para ju nxirrni dhe se sa kohë kujdeseni për fëmijën. Nëse ju nuk mund të pajtoheni me prindin tjetër mund të shkoni në gjykatë

Një prind nuk paguan kontributin e vet:

Nëse një prind nuk paguan kontributin e vet për fëmijën, ju mund të kërkonin ndihmën e komunës së banimit. Komuna e banimit ju ndihmon, që t'i merrni paratë. Ndoshta ajo ju huazon paratë për mbajtjen, nëse ju keni të drejtë për këto para. Kjo quhet Alimentenbevorschussung.

Më shumë informacione (link, adresa, broshura, fletushka)

www.hallo-baselstadt.ch/sq/marredhenie-partneresh-dhe-femijet/te-drejat-dhe-detyrat-e-prinderve

Të qenit prind

Edukimi i një fëmijë nuk është i lehtë. Ndoshta pyesni veten ndonjëherë, çka është e mirë për fëmijën tuaj. Mund të jetë shumë e dobishme të shkëmbeni mendime me prindër të tjerë. Përveç kësaj, qendra të ndryshme këshilluese mund t'ju ndihmojnë.

Pikëtakimet

Ka oferta të shumta për nëna dha baballarë. Këtu mund të bisedoni me prindër të tjerë ose të bëni aktivitete me fëmijën tuaj.

- Grupet e zvarritjes (Krabbelgruppen) janë për foshnja dhe fëmijë të vegjël deri në 2 vjeç. Këtu mund të njiheni me prindër të tjerë.
- Gjymnastika prindër-fëmijë (gjymnastika nënë-fëmijë, gjymnastika baba-fëmijë ose gjymnastika prindër-fëmijë) është për prindër me fëmijë të vegjël. Ata mund të luajnë së bashku, të lëvizin dhe të kënaqen. Shumica e komunave ofron këtë lloj gjymnastike.
- Pikat e takimit në lagje (Quartiertreffpunkte) kanë ngjarje të ndryshme për prindër dhe fëmijë..
- Bibliotekat dhe ludotekat kanë oferta për fëmijë të vegjël dhe të mëdhenj dhe për prindërit e tyre.

Arsimimi për prindër

Në Basel-Stadt ka kurse për prindër rreth temave të ndryshme. Ka edhe kurse të posaçme për migrante dhe migrantë. Kështu ka shembull kurse për sistemin shkollor zviceran. Disa kurse janë edhe në gjuhë të tjera.

Këshillimi për edukim

Kur keni pyetje për edukimin e fëmijëve tuaj, këshillimore të ndryshme ndihmojnë. Kur për shembull keni bebe dhe fëmijë të vegjël deri në moshën 5 vjeç, ju mund të shkoni te këshillimi i prindërve (Elternberatung).

Për raste urgjente ekziston numri emergjent për prindërit. Këtu merrni këshillime nga specialistët. Kur merrni në telefon, ju paguani tarifën normale të telefonit fiks. Telefoni: 0848 35 45 55. Ose ju shkruani një e-mail. Adresa gjendet në www.elternnotruf.ch.

Më shumë informacione (link, adresa, broshura, fletushka)

www.hallo-baselstadt.ch/sq/marredhenie-partneresh-dhe-femijet/me-qene-prind

Kujdestaria e fëmijëve

Shumë baballarë dhe nëna punojnë edhe pas lindjes të fëmijës. Prandaj në kantonin Basel-Stadt ka oferta speciale për kujdestarinë e fëmijëve. Për shumicën e ofertave duhet të paguani.

Qendra ditore për fëmijë

Në qendra ditore për fëmijë, fëmija juaj është gjithë ditën nën kujdestari. Shkurtimi për qendrën ditore për fëmijë është Kita. Shumica e qendrave ditore për fëmijë është për fëmijët nga moshë 3 muajsh deri në shkollë. Sado disa qendra ditore për fëmijë kujdesen edhe për fëmijë në moshën e shkollës para mësimit, gjatë drekës ose pas mësimit.

Ju duhet ta regjistroni fëmijën tuaj tashme shumë herët, sepse listat e pritjes janë të gjata. Qendrat ditore për fëmijë kanë tarifa të ndryshme. Komuna e banimit paguan një pjesë të kostove për disa qendra ditore për fëmijë. Ju mund t'i pyesni qendrat ditore për fëmijët, se sa kushtojnë dhe se si ta regjistroni fëmijën tuaj.

Grupet për lojë

Shumë fëmijë vizitojnë para hyrjes në shkollë një grup për lojë (Spielgruppe). Në grup për lojë takohen fëmijët afërsisht prej moshës 3 vjeçe pa prindërit e tyre. Një kujdestare e shkolluar i aktivizon fëmijët. Fëmijët bëjnë për shembull punë krijuese ose lozin së bashku. Vizita në grupet e lojës është vullnetare.

Fëmija juaj nuk flet gjermanisht në shtëpi? Atëherë ai mund të fillojë në grup për lojë të mësojë gjermanisht. Kjo e lehtëson hyrjen e fëmijës suaj në shkollë.

Struktura ditore / dreka

Në të gjitha ciklat e ulëta dhe të mesme ekzistojnë struktura ditore (Tagesstrukturen) në mesin e shkollës ose shumë afër. Struktura ditore do të thotë, që fëmijët shkollor mund të qëndrojnë në shkollë gjatë drekës dhe marrin një vakt dreke. Mbas shkollës një person kujdeset për fëmijët dhe ata mund t'i kryejnë detyrat e shtëpisë.

Ju dëshironi, që fëmija juaj të shkojë në strukturë ditore? Atëherë ju duhet të paguani për këtë shërbim. Kostot varen nga të ardhurat tuaja. Fëmija mund të shkojë në një apo më shumë ditë në javë në strukturë ditore.

Familjet ditore

Ju mund të jepni fëmijën tuaj gjithashtu në kujdesjen e një familjeje ditore. Një familje ditore (Tagesfamilie) është një familje, që i pranon fëmijët përgjatë gjithë ditës ose para dhe pas shkollës. Zyrat ndërmjetësuese ju ndihmojnë të gjeni një familje e përshtatshme ditore. Zyrat ndërmjetësuese ju informojnë gjithashtu, se sa kushton një familje ditore normalisht.

Kujdestare për foshnje / Situatat urgjente

Në Zvicër lejohen të punojnë edhe të rinjtë si kujdestarë të foshnjave në mbrëmje apo në fundjavë. Të rinjtë marrin para për këtë punë. Kryqi i Kuq Zviceran Basel-Stadt (SRK) ka një listë me zyra ndërmjetësuese me kujdestarë për foshnja, të cilët më parë e kanë bërë një kurs.

Kujdestari fëmijësh në situata urgjente

Ndoshta ndodh një situatë urgjente dhe ju duhet urgjentisht një person, që kujdeset për fëmijën tuaj. Për shembull: Ju ose partneri juaj duhet të shkojë në spital dhe askush tjetër nuk mund të përkujdeset për fëmijën tuaj. Kryqi i Kuq Zviceran Basel-Stadt (SRK) ka një kujdestari fëmijësh për raste urgjente. Ju duhet të paguani për përkujdesjen. Por disa sigurime shëndetësore i mbulojnë shpenzimet.

Më shumë informacione (link, adresa, broshura, fletushka)

www.hallo-baselstadt.ch/sq/marredhenie-partneresh-dhe-femijet/kujdestaria-e-femije-ve

Tërheqja e familjes

Kur jetoni në Zvicër, edhe persona të familjes suaj mund të vijnë me shtëpi në Zvicër. Për këtë, kushte të caktuara duhet të jenë plotësuar. Të afërmit ose të njohshmit dëshirojnë të vijnë tek ju për vizitë në Zvicër? Atëherë mundet që ata duhet të aplikojnë për një vizë hyrjeje. Kjo varet, nga i cili shtet vjen vizitori juaj.

Tërheqja e familjes

Kur jetoni këtu, ndoshta edhe të afërmit në linjë të drejtë lejohen të vijnë me shtëpi në Zvicër (tërheqja e familjes, Familiennachzug). Për cilët anëtare të familjes mund të aplikoni? Kjo varet nga fakti, se cilën nënshtetësi dhe cilën leje qëndrimi ju keni. Ndoshta familja juaj edhe lejohet të vijë këtu me shtëpi, nëse jeni pranuar vetëm paraprakisht dhe keni një letërnjoftim F.

Zyra për migrimin (Migrationsamt) vendos, nëse familja juaj lejohet të shpërngulet këtu me shtëpi. Zyra për migrimin ju informon, çfarë duhet të bëni dhe çfarë dokumentesh ju duhen.

Kujdes:

Ju duhet të aplikoni për tërheqjen e familjes brenda një afati të caktuar. Afati për fëmijët është më i shkurtër se te personat e rritur, për shembull tek bashkëshorti juaj.

Parapërgatitja për martesë

Ju banoni në Zvicër dhe dëshironi të martoheni me një person nga jashtë? Atëherë mund të bëni një kërkesë për hyrjen e tij, me qëllim që të parapërgatiteni për lidhjen e martesës (Vorbereitung der Heirat). Kësisoj partneri ose partnerja juaj mund të vijë tashme para lidhjes së martesës në Zvicër, dhe ju mund të martoheni këtu.

Zyra për Migrimin (Migrationsamt) vendos, nëse partneri ose partnerja juaj lejohet të hyjë në Zvicër. Zyra ju informon, se çfarë duhet të bëni dhe cilat dokumente ju duhen.

Vizë hyrjeje

Të afërmit ose të njohshmit tuaj nga vendi juaj i origjinës dëshirojnë të vijnë për vizitë tek ju? Atëherë u duhet një vizë hyrjeje për Zvicrën. Shpesh nuk është e thjeshtë, që ta marrin vizën. Ndoth që vizitoret tuaja dhe vizitorët tuaj duhet të parashtrojnë një letër me ftesën, të cilën e keni shkruar ju. Ose vizitoret dhe vizitorët duhet të garantojnë, që ata janë në gjendje të financojnë veten (deklaratë obligimi, Verpflichtungserklärung). Ambasada Zvicerane jashtë vendit vendos, nëse personat marrin një vizë. Ambasada informon, se çfarë duhet të bëjnë vizitoret tuaja dhe vizitorët tuaj dhe se çfarë dokumentesh iu duhen. Ju mund të merrni edhe informacione tek zyra për migrimin (Migrationsamt).

Më shumë informacione (link, adresa, broshura, fletushka)

www.hallo-baselstadt.ch/sq/marredhenie-partneresh-dhe-femijet/terheqja-e-familjes

Konfliktet

Ju keni konflikte dhe grindje në partneritet apo familje? Atëherë ju ndihmojnë qendra të ndryshme këshilluese. Dhuna në familje apo midis bashkëshortëve është e ndaluar. Në faqen "Hallo Basel-Stadt" ka një kapitull të veçantë rreth *****dhunës në familje*****. Atje gjeni më shumë informacione rreth kësaj teme.

Konfliktet në marrdhënie të partnerëve

Kur keni probleme në marrëdhënien tuaj si partnerë, ju mund të merrni ndihmë nga profesionistët (këshillim për martesën, Eheberatung). Ka këshillimore të posaçme, që kërkojnë bashkë me ju të gjeni zgjidhje. Biseda e parë zakonisht është falas apo ju duhet të paguani më pak për të.

Konfliktet në familje

Kur keni fëmijë, mund të ndodhin nganjëherë situata të vështira. Për ju si prindër dhe për fëmijët tuaj kjo është e rëndë. Bëni mirë të merrni ndihmë, kur nuk dini më si t`ia bëni tutje.

Ndihmë për prindërit:

- Te këshillimorja për familje (Familienberatungsstelle) merrni një këshillim personal.
- Kur keni pyetje për edukimin ose jeni të shqetësuar për fëmijët tuaj, mund t'i drejtoheni numrit urgjent për prindër. Këtu merrni një këshillim në telefon nga specialistët në numrin 0848 35 45 55 (Ju paguani tarifën normale të telefonit fiks) ose me e-mail.

Për fëmijë dhe adoleshentë:

- Fëmijët dhe adoleshentët mund të marrin numrit urgjent për fëmijë në telefon, mund të shkruajnë një e-mail apo SMS ose të komunikojnë me chat. Telefon: 147 (thirrja është falas).

Dhuna në familje

Dhuna në familje është një delikt zyrtar dhe e ndaluar. Kush ushtron dhunë, e bënë veten të dënueshëm. Çdo lloj dhune është i ndaluar. Askush nuk lejohet të ushtrojë dhunë kundrejt personave të tjerë në familje.: as kundrejt bashkëshortes, bashkëshortit ose kundrejt fëmijëve. Nëse zyrtarët marrin informacione për dhunë në familje, ata janë të obliguar të aktivizohen.

Ju përjetoni dhunë në familjen tuaj? Ka oferta, se ku mund të gjeni përkrahje. Ofertat janë falas dhe mbahen sekret.

- Frauenhaus / Väterhaus: Kur gra apo burra përjetojnë dhunë, ata mund të shkojnë për një farë kohe në strehimore për gra ose në strehimore për baballarë. Ata mund të kërkojnë atje mbrojtje bashkë me fëmijët e tyre. Gratë mund të marrin strehimoren e grave ditë e natë në telefon. Numri: 061 681 66 33.
- Numri urgjent për fëmijë: Fëmijë dhe adoleshentë mund të thirrin numrin urgjent për fëmijë. Thirrja është falas. Telefon: 147.
- Ju ndiheni të kërcënuar nga një person në familjen tuaj? Atëherë thirrni policinë. Telefoni: 117. Policia mund ta urdhërojë autorin apo autoren të largohet për një kohë më të gjatë nga banesa apo shtëpia. Pastaj autori apo autorja nuk lejohet të shkelë banesën apo shtëpinë.

Në portalin "Hallo Basel-Stadt" ka një kapitull të veçantë për dhunën në familje. Atje gjeni më shumë informacione për këtë temë.

Më shumë informacione (link, adresa, broshura, fletushka)

www.hallo-baselstadt.ch/sq/marredhenie-partneresh-dhe-femijet/konfliktet